

穆宗毅皇帝實錄(五)

卷一六五至卷二二〇
同治五年至六年

清實錄

第四九冊

中華書局影印

清實錄第四九冊目錄

穆宗毅皇帝實錄(五)

卷一六五	同治五年正月上	五七九
卷一六六	同治五年正月中	五七九
卷一六七	同治五年正月下	五八〇
卷一六八	同治五年二月上	五八一
卷一六九	同治五年二月中	五八三
卷一七〇	同治五年二月下	五八五
卷一七一	同治五年三月上	五八六
卷一七二	同治五年三月中	五八七
卷一七三	同治五年三月下	五八九
卷一七四	同治五年四月上	五九〇
卷一七五	同治五年四月下	五九二
卷一七六	同治五年五月上	五九四
卷一七七	同治五年五月下	五九六

卷一七八	同治五年六月上	五九八
卷一七九	同治五年六月下	五九九
卷一八〇	同治五年七月上	五二〇
卷一八一	同治五年七月下	五二〇
卷一八二	同治五年八月上	五二四
卷一八三	同治五年八月下	五二五
卷一八四	同治五年九月上	五二七
卷一八五	同治五年九月下	五二九
卷一八六	同治五年十月上	五二〇
卷一八七	同治五年十月下	五二二
卷一八八	同治五年十一月上	五二四
卷一八九	同治五年十一月中	五二五
卷一九〇	同治五年十一月下	五二七
卷一九一	同治五年十二月上	五二八
卷一九二	同治五年十二月中	五三〇
卷一九三	同治五年十二月下	五三二
卷一九四	同治六年正月上	五三六

卷一九五	同治六年正月下	五二六五
卷一九六	同治六年二月上	五二八四
卷一九七	同治六年二月下	五三〇五
卷一九八	同治六年三月上	五三二二
卷一九九	同治六年三月下	五三三四
卷二〇〇	同治六年四月上	五三五〇
卷二〇一	同治六年四月下	五三六四
卷二〇二	同治六年五月上	五三七八
卷二〇三	同治六年五月中	五三九一
卷二〇四	同治六年五月下	五四〇三
卷二〇五	同治六年六月上	五四二一
卷二〇六	同治六年六月下	五四三六
卷二〇七	同治六年七月上	五四五一
卷二〇八	同治六年七月下	五四六七
卷二〇九	同治六年八月上	五四七九
卷二一〇	同治六年八月下	五四九七
卷二一一	同治六年九月上	五五一五
卷二一二	同治六年九月下	五五三三
卷二一三	同治六年十月上	五五四五
卷二一四	同治六年十月下	五五六〇
卷二一五	同治六年十一月上	五五八二
卷二一六	同治六年十一月中	五五九八
卷二一七	同治六年十一月下	五六一六
卷二一八	同治六年十二月上	五六三三
卷二一九	同治六年十二月中	五六四七
卷二二〇	同治六年十二月下	五六六三

大清穆宗繼天開運受中居正保大定功聖智
誠孝信敏恭寬毅皇帝實錄卷之一百六十五

駐修廬上宮或旦日謁起居注宮太子太傅王淑聞頓首事於此宮院令士繡將衣奉上如下侍是夕略宿殿前或於殿九方方畢輒大庭焚香祝曰上清

理吏部事。戶部三庫事務如七級等功加五級。阿魯如七級。地祿三十次。自會稽至嘉興縣官廩具驛官太子少傅文江副領。湖廣二州上學士武安。嚴州上

五紅旗區所管各管理工部先修亭李陽內大監制備公署錄知一紙曉諭六兩紙曉諭十七次。書雲氣輪轉未官端記日課起居注官太子人務輸林宗密不

學士仍照舊奉上諭事件是周文鑑總裁方吟嘯撰錄輯入學山兵部尚書軍機大臣劉世明吉士管理戶部工部吏部閣子監等場加九級軍功加五品漢官

於六月晚間十九日自沈特留金本、選取官校兵連等數名隨帶哨馬與各管理戶解三庫事務隨同和五叔往於十二日抵柳河奉

救修

同治五年丙寅春正月辛酉朔

上詣

奉先殿行禮。○遣官祭

太廟後殿○率王以下文武大臣詣

慈寧門慶賀

慈安皇太后。

慈禧皇太后禮成御太和殿受朝作樂宣表如

儀
○
詣

大高殿

壽皇殿行禮。○御乾清宮。賜近支親藩等宴。○

奉

慈安皇太后

慈禧皇太后幸漱芳齋侍晚膳○壬戌○

上詣綏履殿問

慈安皇太后安平安室問

慈禧皇太后安。至庚寅皆如之。○命郡王銜貝

勒載治在內廷行走。○賞醇郡王子載瀚頭

品頂帶○以福建籌備兵糈予將軍英桂總

督左宗棠巡撫徐宗幹等議敘有差○緩徵

直隸開東明長垣豐潤宛平東鹿安青靜海

滄南皮。鹽山。慶雲。沙河。永年。肥鄉。廣平。雞澤。

元城大名衡水深二十二州縣被水被旱被

電地方新舊額賦暨雜課有差。○癸亥。

高宗純皇帝忌辰遣官祭

裕陵○

上詣

壽皇殿行禮○諭軍機大臣等張亮基奏擊退

竄擾獨山各匪。並請調席寶田等援黔。留多。

文差委各摺片。苗匪教匪粵匪分途闖入獨山。句結蔓延。環境皆賊。該處民勇鄉團踊躍擊賊。以少勝眾。將四面寇氛次第掃蕩。勦辦尚屬出力。所有在事之官紳團練著張亮基擇尤保奏。候旨施恩。毋許冒濫。另片奏賊匪由獨山被擊後。竄至荔波一帶滋擾。著該署撫督飭文武員弁嚴密防勦。毋稍疏虞。粵匪竄陷嘉應州城。席寶田一軍尚須入粵會勦。一時斷難赴黔。朱洪章現駐南安防勦正當

喫緊。亦難遠調。惟李元度前在平江辦理霆營叛勇業已竣事。若將該革員調往貴州尚屬可行。著李瀚章卽派該革員酌帶勇丁赴黔助勦。其應用餉需著劉坤一李瀚章於該兩省協黔餉下支給。或按月輪流撥給俾利師行。不得稍分畛域。多文前因田興恕案內革職永不敘用。情節較重。張亮基請留該革員差委之處著不准行。將此由五百里各諭令知之。○以貴州黎平等處勦匪出力。賞同

知銜知縣許德基都司黃新春等花翎千總孔繼梅等藍翎餘加銜升敘有差。○予貴州苗拱陣亡把總張廷魁祭葬世職如守備例。○甲子諭內閣前因給事中劉毓楠等先後奏參河南巡撫吳昌壽勦賊逗遛縱兵騷擾袒護屬員保劾失實及總兵張曜縱勇殺掠各款。疊經諭令曾國藩秉公查奏。茲據曾國藩奏稱遵將所參各節博加察訪並派員前往密查。或漫無依據。或確有見聞。據實覆奏。

此案吳昌壽於捻匪竄擾河南之時赴許州稍緩。尚非有意逗遛。救陳州稍遲實因文報梗阻。惟馬兵騷擾該撫未能申明紀律嚴行禁止。遂平縣知縣文玉偏捐妄押浮收錢糧且有京控未結之案。該撫輒以民愛滋深保列升階。汝陽縣知縣蘊琛甚洽民心著有勞績。該撫漫不加察遽列彈章未免是非顛倒。有負委任。吳昌壽著交部議處。遂平縣知縣文玉著卽行革職。汝陽縣知縣蘊琛著開復。

原官總兵張曜並無縱兵搶殺之事。鄧州知州黃縉昌亦無貪劣可指之蹟。均著無庸置議。其揭叅蘊琛之本管知府係屬何員。有無挾私著吳昌壽查明叅奏。不准徇隱迴護。尋吏部議吳昌壽應照不應重杖八十私罪例降三級調用。無庸查級紀議。抵得旨著加恩改為降一級調用。不准抵銷。○又諭前因給事中孫桴御史朱鎮先後奏叅閻敬銘丁寶楨等貽誤各款。並朱鎮奏叅山東郟城縣知

縣周士溥劣蹟。當經諭令曾國藩查奏。茲據曾國藩將閻敬銘等被叅各節查明覆奏。此案閻敬銘並無奉有僧格林沁函令赴曹助勦不肯往援情事。其赴東昌防河本係先期奏明。並非借此意存趨避。當僧格林沁殉難曹州時。該撫卽馳回省垣。以致軍心不免惶惑。至謂其將家眷裝扮民婦送往齊河縣署。則並無此說。山東應解僧格林沁協餉閻敬銘按月接濟。並無所吝。原叅稱其於僧格林

沁戰歿後。佯為不知。奏請添設幫辦。故示先見。亦屬失實。惟於齊河縣知縣李均係屬姻親。該員有在省城開設店棧之事。該撫毫無覺察。轉將該員列入賢員。屢登薦牘。實屬非是。閻敬銘著交部議處。至山東布政使丁寶楨帶兵勦賊。俱奉僧格林沁劄委而行。原叅各節多係傳聞失據。該藩司親自截賊於臨城驛。殺傷過當。所部亦並無淫擄重情。功多過少。官民尚無間言。丁寶楨著免其置議。前

任山東兗沂曹濟道盧朝安前在單縣任內勒索富紳財物。迨擢任道員後。辦理大營糧臺飲酒觀劇。聞僧格林沁殉難之信。蒼黃驚散。聲名惡劣。心術亦屬險鄙。盧朝安業經告病開缺。仍著勒令休致。山東候補道王繼庭才尚可用。並無劣蹟。惟未親臨行陣。閻敬銘將該員附入戰功保奏。致招物議。王繼庭前已開復知府原官。著撤銷道員。以昭公允。候補知府署齊河縣知縣李均。雖無招妓聚飲

實據而開設店棧。與民爭利。實屬貪鄙。妄為著卽行革職。以示懲儆。至山東鄒城縣知縣周士溥。並無任賊攻陷民圩。坐視不救之事。著免其置議。尋吏部議。閻敬銘應照濫舉匪人例降二級調用。該撫本有革職留任處分。請照例革任。得旨著加恩降為三品頂帶。仍留山東巡撫之任。○諭軍機大臣等。官文鄭敦謹奏擒匪闖入楚疆。營勇索餉譁潰。襄樊黃孝同時喫緊。並襄樊勒勝情形。曾國藩奏

擒萃湖北。又有叛勇之變。現派大軍援鄂。各摺片。前因喬松年奏探聞賊勢南趨。楚軍索餉譁潰各情。當經諭令官文等查明因何潰變緣由。據實具奏。本日據該督撫奏報。雖與曾國藩所陳情形大致相同。而於成大吉何以受傷各情。未能詳細聲敘。著懷遵前旨。據實具奏。不准有一字諱飾。成大吉近來頗不得力。官文等現令招集潰勇。是否可用。並著酌度情形。妥為辦理。曾國藩已派劉銘傳一

軍馳赴光固麻城。徑援黃州。著卽飭令該提督迅卽赴援。並令彭玉麟等水師駛赴上游。力固武漢門戶。官文等於劉銘傳等軍到後。責令成大吉等就現有兵力。會合痛剿。成大吉如再不奮勉。卽著嚴叅治罪。姜玉順譚仁芳均已折回楚境。誠恐該匪聚避兵而行。復又回竄皖豫地方。著喬松年。吳昌壽飭派出各軍嚴密防守。遇賊卽擊。毋稍疏懈。將此由六百里各諭令知之。○又諭本日據穆圖善

奏甯郡回匪悔罪投誠。郡城業經收復。現因辦理不善。恐釀事端。一摺。另片奏。都興阿因病請假調理。甯郡善後事宜。仍當妥籌辦理等語。並據都興阿奏收復甯夏郡城。現將查辦大概情形馳奏。一摺。回目馬萬選等懇請投誠。經都興阿會同穆圖善批准。勒限獻城。繳械。據穆圖善奏稱該回眾於十二月初二日俱已遵批。將城池圩卡全行撤空。各堡回人俱移往納家牆一帶。繳出槍礮刀矛多件。

並陸續呈繳銀米。將倡亂之千總納萬有送營正法。是該回等已屬真心悔罪。何以都興阿將留營辦繳銀米之回目保立等十一人誅殺。並於十五日督帶陳天佑等入城。各兵勇肆行搶殺。殊不可解。都興阿是否因該回等逾限。至初七日始將圩卡撤退。獻出郡城。且城內尚有回民逗遛。跡涉可疑。是以督隊入城誅洗。以杜後患。抑係另有別情。著卽將前後辦理實在情形。明白回奏。都興阿前已

調補盛京將軍。茲據奏稱病勢較前尤增。懇請賞假調理等語。現在奉省馬賊猖獗。都興阿當恪遵前旨。速赴新任。毋庸給予假期。以重職守。穆圖善現任甯夏將軍。責無旁貸。所有納家牘等處回眾。如何妥善善後之處。著卽責成穆圖善妥為辦理。毋令已成之局。又生他變。其甯夏郡城防守事宜。仍應認真籌辦。以備不虞。所請另簡大員來營查辦之處。著毋庸議。將此由六百里各諭令知之。○又

諭甯夏一城。久未攻拔。茲因回目馬萬選等悔罪投誠。經都興阿會同穆圖善批准。該回目於十二月初二日將城圩獻出。並呈繳器械軍火等件。該回等暫移住城外之納家牘。聽候安插。自應乘機利導。予以自新。茲據穆圖善奏。都興阿於十五日卯刻。派員提撥該將軍所部隊伍。並將遞稟之回目保立等悉行誅戮。是日酉刻。兵勇又復入城焚燒殺掠。提督黃金山等彈壓不從。甯夏城內火光燭

天。居民燒斃者無數。並將已交銀米搶掠殆盡等語。而都興阿摺中。並未將兵勇入城情形聲敘。是否回情中變。抑因各營兵勇彼此猜疑。致相攻殺。此次回眾投誠。係都興阿穆圖善會同辦理。其情節不應參差若是。蘭州距甯夏尚近。楊岳斌諒有所聞。著該督迅將該處情形詳細馳奏。以慰廑繫。穆圖善摺片。都興阿摺。均著鈔給楊岳斌閱看。將此由五百里諭令知之。尋奏查由蘭州以至甯夏中

間多為回氛阻隔。傳說無稽。俟得確耗。再行具奏。惟納家牘事關緊要。懇專飭移圖善布置。得旨。納家牘安插事宜。屢有寄諭。責成移圖善妥辦。其都興阿移圖善辦理甯郡回匪投誠。勦撫兩歧。仍著確查據實具奏。○予河南南陽陣亡千總廖得勝等三十九員祭葬。世職加等。○展緩山東濟甯應城鄒平長山齊河臨邑長清肥城東阿東平平陰惠民濱泗水嶧汶上城武定陶鉅野濮范蘭山茌平平度昌邑嘉祥齊東濟陽禹城青城陽信海豐霑化甯陽滕陽穀壽張荷澤曹鄆城觀城朝城郟城聊城魚臺四十五州縣暨德州東昌臨清濟甯四衛東平所屯莊被水被旱被蟲被風被雹被擾地方。本年應徵額賦。並鹽蘆各項雜課。○豁免湖南鄆縣被水地方失額田畝。咸豐三年後未完額賦。○乙丑諭軍機大臣等。德英等奏擊退攻撲長春廳大股賊匪。並伊通被擾。請飭蒙古黑龍江各派兵

合勒摺片。馬賊竄擾長春廳。經德英等派令依克唐阿等帶兵進攻。殲斃匪首劉果發。姜老道等多名。又經松鶴密帶練勇擒獲匪首周榮等。正法。馬俊子等率眾攻撲長春廳。亦經擊退。而伊通地方又被該匪乘虛竄擾。吉林賊眾。兵單實不免顧此失彼之虞。現在德英已添派防省馬隊赴伊通助剿。兵數甚微。無濟於事。且恐省城又復空虛。再蹈伊通覆轍。前諭文祥等將吉林在奉省馬隊撥回。著即全數調撥。令回吉林。交德英等妥為調派。以資厚集。德英等仍先就現有兵力。飭令嚴扼長春廳。伊通等處。痛加勦洗。毋得再有疏失。致干重咎。所請調蒙古郭爾羅斯公就近派兵赴援長春廳。著文祥等與伯彥訥謨祜會商妥調。其黑龍江官兵能否由呼蘭吉林伯都訥一路前進。會吉林官兵合剿之處。著寶善斟酌情形。妥為辦理。另摺奏道路梗阻尋常事件。仍請隨報奏陳等語。吉林道路未

通尋常應辦事件。無關軍務者。准由馬遞馳奏。不得輒附五六十里急遞。俟軍務告竣。仍照常派差弁齎遞。以符定制。將此由五百里各諭令知之。○廣西巡撫張凱嵩奏收復那檀。現飭合圍山澤老巢。迅圖蕩事。得旨著卽督飭劉培一等乘勝進攻。迅拔孫逆老巢。毋稍延緩。並著知照瑞麟等。嚴飭靈山等縣合力兜剿。聚殲醜類。以靖邊圉。又奏軍務未竣。請將本年大計展限舉行。從之。○以四川官

軍歷年防勦滇黔竄匪。並克復貴州仁懷縣城出力。賞總兵官胡尊賢王聚蘭二品封典。總兵官胡福榮賀玉貴副將王萬青辜勝九。何乃輝羅榮貴胡芝瑞陳均山。鄧續賓蘇傳堂鍾福俊王與仁成鼎臣成復清參將周新二。譚太和李崇秀巴圖魯名號。遊擊譚迎全等花翎。知縣趙鴻藻等藍翎。餘加銜升敘。開復有差。○予吉林長春廳陣亡委參領凌陞祭葬世職加等。○免福建本年例貢品物。○

丙寅。

上詣

時應宮拈香。○御紫光閣。賜蒙古王貝勒貝子公。台吉呼圖克圖暨琉球使臣等宴。並賞賚有差。○諭內閣。駱秉章奏假期已滿。目疾仍未就痊。懇請開缺調理一摺。駱秉章自簡任四川總督以來。於吏治軍務辦理甚為妥協。現在鄰境賊氛未靖。籌餉籌兵。均關緊要。未便遽如所請。駱秉章著毋庸開缺。再賞假四箇月安心調理。四川總督仍著崇實暫行兼署。○諭軍機大臣等。前因巴里坤需餉甚亟。諭令德勒克多爾濟將現存稅銀一萬兩。備解烏城。以便訥爾濟就近迎提。茲據訥爾濟奏稱。巴里坤駝隻無幾。難於轉運糧石。擬由附近巴里坤一帶採辦兵糧。請飭綏遠城將軍撥歸綏道庫稅銀解赴烏里雅蘇台等語。著德勒克多爾濟。卽將前撥殺虎口存儲歸綏道庫稅銀一萬兩。派委妥員。迅速解往。

烏城。交明誼查收。一面知照廣鳳奎昌飭令科布多站員。妥為護送。以利進行。並著訥爾濟派員赴烏城就近迎提。至巴里坤應用。將此由五百里各諭令知之。○總理各國事務衙門奏。酌派前任山西知縣斌椿率同官生等前赴外國遊歷。採訪風俗。從之。○賞科爾沁貝子阿敏烏爾圖子三等台吉巴咱朗根。阿巴噶扎薩克頭等台吉都噶爾布木子三等台吉勒拉濟勒桑都布花翎。命巴林貝子

索哩雅子二等台吉色旺諾爾布在乾清門行走。○以巴里坤守城出力。賞遊擊凌祥等花翎。外委劉漢章等藍翎。餘升敘有差。○丁卯。

世祖章皇帝忌辰遣官祭

孝陵○

上以孟春時享

太廟。自是日始齋戒三日。○戊辰。諭軍機大臣等。左宗棠奏官軍漸偏嘉應。現籌合圍。及龍

溪。勒匪情形。各一摺。汪逆盤踞嘉應。左宗棠籌調各軍分路進剿。其東北之高連陞。劉清亮兩軍。由樟樹坪進紮。遇賊於雙板橋一帶。血戰數時。雖將賊擊退。而哨弁傷亡不少。東西南三路駐紮之粵軍。亦復被賊掩襲。或失去營壘。是賊勢雖威。而兇鋒頗張。該督現進大埔。分布劉典。王德榜。黃少春。高連陞。康國器等軍。互相聯絡。嘉應州城。東路。東南。東北。及北路。長圍之勢漸成。正可力圖進取。昨據

劉坤一奏。鮑超已於十二月初六七以次前進。平遠之相公亭。席寶田。劉勝祥兩軍。於初九十以次前進。東石大柘兩路官軍。計日業已到防。自可遏其北竄。平遠西竄。興甯之路。即著左宗棠督飭各軍。剋期齊進。務期步步近逼。合力兜圍。毋留縫隙。以收聚殲之效。並著瑞麟。郭嵩燾。檄令鄭紹忠。方耀等軍。與江閩之兵。互相聯絡。嚴密布置。儻粵省帶兵員弁。不能得力。致賊鋌走。即由左宗棠嚴叅治

罪。鮑超及江西客軍入粵。人地生疏。瑞麟等務須設局寬為採辦軍米。以期無誤。兵食劉坤一並著迅速前旨。出省督飭各軍會攻。一面嚴扼本境邊防。毋稍疏懈。賊見長圍勢合。擄船下竄。潮郡必在意中。左宗棠瑞麟等務當多備礮船。飭令黃聯閣朱明亮水陸各軍嚴備要隘。毋令賊蹤善脫。又成不了之局。龍溪縣社匪郭凸郭好等踞寨從逆。怙惡不悛。經左宗棠調派羅大春等將該寨匪徒殄除。

淨盡。自此漳州龍溪著名土匪一律肅清。實屬大快人心。另片奏粵東籌餉事宜。已交戶部議奏矣。將此由六百里各諭令知之。○命浙江布政使蔣益澧馳赴廣東辦理軍務。兼籌糧餉。○實授鮑超浙江提督。○以懋祿忘親。革福建縣丞唐長壽職。永不敘用。○予廣東雙板橋陣亡知縣汪遇元等十七員祭葬世職加等。○予福建龍溪陣亡千總鄭炳星邵來旬祭葬世職。○予河南各屬陣亡殉難

紳民婦女一千一百五十名口分別旌卹如例。○豁免廣西陣亡殉難知府孫蒙等四十員虧短交代銀米。○

上以次辛祈穀於

上帝。自是日始齋戒三日。○己巳。

上以孟春時享

太廟。前期親詣行禮。○諭軍機大臣等伯彥訥謨祜奏馳抵錦州沿途地方情形。土默特貝勒報效馬匹各摺片。該親王於正月初五日

行抵錦州。途遇大小車輛紛紛西來。並乘騎馬驢及步從之人。絡繹不絕。內多攜帶婦女形跡可疑。難保非馬賊飽掠。另圖竄匿他處。亟應力為防範。著劉長佑麒慶長善徐廷楷嚴飭將弁並各該地方官於關津渡口實力盤查。如實係賊匪偷越。即行拏辦。仍不得藉端訛索。擾害良民。哲里木盟長達爾漢親王索特那木彭蘇克所挑馬隊千名。迄今音信杳然。著伯彥訥謨祜嚴催該盟長等星速挑

齊備調。儻再遲延。卽由該親王據實嚴叅。土默特貝勒散巴勒諾爾贊報效戰馬一百匹。尚屬急公。所有該貝勒應得獎敘。著理藩院照例辦理。此項馬匹。就近撥赴伯彥訥謨祜軍營。以備攻勦之用。將此由四百里諭知伯彥訥謨祜。劉長佑。麟慶。長善。並傳諭徐廷楷知之。○又諭都興阿。奏甯郡回逆投誠。將前後辦理情形。縷晰詳陳一摺。覽其所奏。與穆圖善前奏相符。都興阿因該回等未能遵限。

獻城。且城內逗遛回人不少。所繳馬匹。又皆疲乏不堪。並非戰馬。該匪等首鼠兩端。都興阿將保立等正法。並帶隊進城。搜查驅逐。恩威並用。所辦甚屬認真。現在城南各營布置已妥。回眾亦甚安靜。都興阿自請從重治罪之處。著加恩寬免。惟奉省賊勢猖獗。亟盼該將軍會同文祥等督兵進剿。著恪遵疊次寄諭。星速起程。馳赴奉省。以副委任。穆圖善身為甯夏將軍。且有督辦軍務之責。所有甯夏

善後事宜。及納家牘安插。回眾諸務。穆圖善務當斟酌輕重緩急。妥協辦理。聯捷業經革職。應卽遵旨。隨同成祿出關。勦賊。諒不敢再行干預。辦撫為逗遛計。穆圖善切不可再信其言。致誤大局。都興阿離營後。穆圖善責無旁貸。設或善後一切事宜。未能周妥。致已成之局。又生他變。屆時縱思諉過他人。以善自文飾。朝廷惟知治穆圖善。以辦理不善之罪。杜嘎爾本。係甯夏副都統。所統馬隊數百人。

仍留甯夏軍營。最為得力。著都興阿斟酌情形。妥籌調撥。迅速奏聞。都興阿前往盛京。隨身親兵。可以酌帶。惟所募之勇。須酌量裁汰。歸併穆圖善軍營。不可帶往盛京。至收復甯夏時。藉勢燒房搶擄之兵勇。著穆圖善嚴密訪查。將為首滋事者正法。以肅軍律。不准含糊了事。甯夏府城業已收復。亟需文武員弁前往料理。著楊岳斌嚴飭道員三壽。知府孫家穀等。速赴本任。以重職守。毋任遷延。將此

由六百里各諭令知之○蠲緩廣西岑溪容
宣化橫永淳新甯崇善左柳城來賓象賓上
林天保歸順貴武宣永康甯明馬平雜容武
緣遷江凌雲西隆臨桂靈川陽朔義甯平樂
荔浦賀蒼梧藤桂平平南融宜山思恩三十
九州縣暨太平安平二土州被旱被擾地方
新舊額賦有差○庚午享

太廟遣惇親王奕諒恭代行禮○遣官祭

太歲之神○諭軍機大臣等戶部奏籌撥奉

省月餉一摺奉天調集官兵勦捕匪徒需用
月餉較多必須籌撥有著之款源源接濟方
可無誤要需著閻敬銘於戶部前撥山東地
丁餉銀外再由該省地丁項下每月協濟銀
二萬兩自本年正月為始派委妥員按月解
往奉天此項餉需關繫最重閻敬銘不得稍
有推諉遲延致干咎戾並著文祥福興慎選
委員於山海關交界處所迎提護解以免疏
虞至山海關本年稅銀現據戶部奏稱並未

指撥京餉即著文祥等隨時酌量就近提用
將此由四百里各諭令知之○又諭恩合等
奏勦賊獲勝情形及商派富平阿守護

永陵各摺片所稱恩科穆錦等於開原等處疊
獲勝仗有無鋪張粉飾著文祥福興查明具
奏其扎朗阿在邊外三道林子勦賊獲勝情
形著一併查覈明確據實具奏至各股賊匪
均向邊北竄去文祥福興當調派兵勇咨會
吉林熱河等處官軍會合兜勦毋令紛竄徐

占一所部能否勦賊立功恩科穆錦等帶兵
能否得力並著文祥等隨時察看其反獄逸
犯並零股土匪仍著嚴密查拏懲辦務絕根
株富平阿前已有旨以協領降補所有

永陵附近地方應如何添派大員督兵分布設
防之處著文祥福興額勒和布恩錫熟商妥
籌務臻周密恩合等摺片三件著鈔給文祥
福興等閱看將此由四百里各諭令知之○
又諭喬松年奏楚境竄賊情形並派兵會勦

一摺賊匪因成大吉營勇丁譁潰躡蹤南趨盤踞於麻城黃岡之間分擾羅田黃陂一帶勢甚蔓延喬松年現飭總兵王才秀四營馳赴麻羅擇要駐紮視賊所向與鄂軍併力追剿尚能不分畛域著卽嚴檄該總兵認真剿辦毋稍鬆勁張得勝一軍現已改令駐紮麻埠並於雉河防軍內抽撥三營填紮三河尖防堵亦尚周密曾國藩現已派兵由豫援鄂著該大臣卽飭劉銘傳等軍奮力追剿賊旣分擾麻黃羅田各境則股數以分而較弱剿辦當易為力務當就地殄盡不可再任北竄致成不了之局黃麻等處團練素稱得力官文鄭敦謹宜聯絡紳團協同助剿並嚴督鄂省將士實力進攻不得以本省軍務專待他人援應賊被劉銘傳援軍由北路追壓勢必南趨漢黃官文鄭敦謹尤當厚集水陸兵勇嚴密堵剿毋稍疏虞沿江一帶著曾國藩調撥水師防堵英霍舒桐等處喬松年當留意

防範成大吉所部潰勇現在辦理情形如何官文等自當力行籌剿擒獲首要各犯盡法懲治不得含糊粉飾使滋事兵弁得遂所願轉致各營紛紛效尤現在情形若何並著喬松年就近探明具奏將此由六百里各諭令知之尋喬松年奏成大吉潰勇經官文籌給欠餉已收集七營新洲地方踞賊現調張得勝王才秀合力堵剿得旨仍著飭令張得勝王才秀等隨時嚴密防範毋稍疏虞○以惠端親王安葬園寢命鍾郡王往奠茶酒○豁免河南省咸豐九年前民欠錢糧暨停緩帶徵等項銀穀○緩徵安徽壽鳳陽宿懷遠鳳臺阜陽潁上亳蒙城盱眙五河滁全椒來安懷甯桐城潛山太湖宿松望江貴池銅陵建德東流當塗蕪湖繁昌合肥無為舒城廬江巢定遠靈璧霍邱太和泗水長和含山四州縣暨屯坐各衛被水被旱被擾地方新舊額賦漕糧有差○緩徵奉天三姓雙城堡歉

收地方本年銀穀

大清穆宗繼天開運受中居正保大定功聖智
誠孝信敏恭寬毅皇帝實錄卷之一百六十五

大清穆宗繼天開運受中居正保大定功聖智
誠孝信敏恭寬毅皇帝實錄卷之一百六十六

秋修

同治五年丙寅正月辛未祈穀於

上帝遣怡親王載敦恭代行禮○

孝全成皇后忌辰遣官祭

慕陵○以直隸永定河防汛出力予道員徐繼

鎰等議敘加銜有差○壬申諭軍機大臣等

崇實駱秉章奏請留貴州提督在川帶兵防

剿一摺前因貴州軍務喫緊簡授周達武為

提督令其即赴新任茲據該將軍等奏稱滇

黔各匪時圖竄川周達武一軍三面馳防有

應接不暇之勢恐驟易生手必難調習等語